

Ársskýrsla 2021



Samkvæmt samþykktum félagsins eru tilgangur þess:

Að vinna að alþjóðlegum ættleiðingum með því markmiði að hagsmunir barnsins séu ávallt hafðir í fyrirrúmi í anda Samnings Sameinuðu þjóðanna um réttindi barnsins og Haagsamningsins um vernd barna og samvinnu varðandi ættleiðingu milli landa frá 29. maí 1993.

Að vinna að velferð og réttindamálum kjörfjölskyldna.

Að aðstoða fólk sem vill ættleiða börn erlendis frá.

Að standa fyrir fræðslu fyrir félagsmenn í formi fræðslufunda, námskeiða og fyrirlestra.

Að vinna að jöfnum rétti allra, burtséð frá uppruna.

Að auka þekkingu og skilning samfélagsins og stjórnvalda á ættleiðingu og kostum hennar fyrir barn og kjörfjölskyldu.

Að stuðla að velferð barna í samræmi við Samning Sameinuðu þjóðanna um réttindi barnsins og Haagsamninginn um vernd barna og samvinnu varðandi ættleiðingu milli landa frá 29. maí 1993.

EFNISYFIRLIT

FRÁ STJÓRNARFORMANNI	4
STARF FÉLAGSINS	5
ÁRSREIKNINGUR	8
ÁRITUN ÓHÁÐS ENDURSKOÐANDA	9
REKSTRAREIKNINGUR.....	11
EFNAHAGSREIKNINGUR	12
SJÓÐSSTREYMI	13
SKÝRINGAR	14
ÁRITUN STJÓRNAR OG FRAMKVÆMDASTJÓRA.....	17
ÆTTLEIÐINGARSAGA – OKKAR BARNALUKKA.....	18
REGNHLÍFASAMTÖK.....	21
SAMSTARFSLÖND	23
STJÓRN OG STARFSFÓLK 2021	24

FRÁ STJÓRNARFORMANNI

Eftir sérstakt ár 2020 var vonast eftir því að faraldurinn hefði ekki eins mikil áhrif á 2021, en því miður varð það ekki raunin. Áskoranir héldu áfram og það umhverfi sem við þekktum áður hefur tekið stöðugum breytingum. Starf félagsins hélst að mestu óbreytt en ekki var hægt að bjóða upp á þá fræðslu og félagsstarf sem búið var að gera áætlanir um. Við styrktum samskiptin við upprunaríkin í gegnum rafrænar lausnir og höfum lært mikið á þessum tveimur árum sem faraldurinn hefur geisað.

Samstarf við Dómsmálaráðuneytið var á svipaðan hátt og árið áður en vonir höfðu verið um að hægt væri að yfirfara þjónustusamnings félagsins við ráðuneytið en ekkert varð úr því. Í upphafi árs 2022 verður skrifað undir þjónustusamning til eins árs og vonum við að endurskoðun á honum verði kláruð á nýju ári og einnig reglugerðir tengdar ættleiðingum.

Í desember var haldið jólaball Íslenskrar ættleiðingar en ekki var hægt að halda það 2020 vegna samkomutakmarkana í tengslum við Covid-19. Gaman var að sjá börnin hlaupa um salinn, dansa í kringum jólatré og fagna jólasveinunum sem komu með smá glaðning.

Í lok árs kláraði ég að vinna fyrir félagið sem formaður og tók á móti nýju ári sem framkvæmdarstjóri Íslenskrar ættleiðingar. Ég þakka allt traust sem mér hefur verið sýnt síðustu ár og því að taka við þessu mikilvæga starfi. Ég vil þakka forvera mínu, Kristni Ingvarssyni, fyrir vel unnin störf í gegnum árin en hann vann fyrir félagið í 12 viðburðarrík ár. Vonandi heldur hann áfram að kynna Íslenska ættleiðingarmódelið á alþjóðavettvangi, því það er mikilvægt að allt sem tengist ættleiðingum sé hugsað út frá hag barnsins.

Miklar breytingar eru því í gangi sem starfsfólk og stjórn félagsins telja af hinu góða og horfa björtum augum fram á við.



Stjórnarformaður Íslenskrar ættleiðingar


Elioabir H. Ólafsson

STARF FÉLAGSINS

Síðastliðið ár var óvenjulegt í alla staði og hver áskorunin tók við af annarri. Starf ættleiðingarfélaga var óvenjulegt í alla staði eins og annað á þessu blessaða ári og var mikil umræða innan samstarfsfélaga um þær áskoranir sem félögin stóðu frammi fyrir. Starf Íslenskrar ættleiðingar gat þó haldið með nokkuð eðlilegum hætti og má þakka það góðu samstarfi við upprunaríkin sem félagið starfar með, enda hefur verið lögð áhersla á að styrkja tengslin við þær stofnanir sem félagið er í mestu samstarfi við.

...til að barn nái fullum þroska sem heilsteypt persóna er æskilegast að það vaxi úr grasi innan fjölskyldu og við hamingju, ástúð og skilning


Fyrstu viðtöl



Flestir sem nýta sér þjónustu félagsins hefja ferðalagið í svonefndu fyrsta viðtali. Hvert viðtal tekur um 90 mínútur þar sem farið er yfir það helsta sem tengist málaflokknum. Þrátt fyrir að takmarkanir vegna Covid-19 hefðu nokkur áhrif á starf skrifstofu voru 20 fyrstu viðtöl bókuð hjá félaginu.

Forsamþykki

Íslensk ættleiðing hefur milligöngu um að senda umsóknir um forsamþykki til sýslumannsins á höfuðborgarsvæðinu, en embættið er ábyrgt fyrir að kanna aðstæður umsækjenda og veita eða synja um forsamþykki. Sýslumannsembættið óskar eftir liðsinni barnaverndarnefnda við könnun á högum umsækjenda.



Sýslumannsembættið getur einnig leitað til Ættleiðingarnefndar til að fá umsögn ef þurfa þykir. Ættleiðingarnefnd er skipuð af dómsmálaráðherra. Árið 2021 voru 7 umsóknir um forsamþykki. Sýslumannsembættið gaf út 6 forsamþykki á árinu, þá voru gefin út 2 ný forsamþykki, þ.e. endurnýjuð forsamþykki til þeirra sem eiga umsókn í

upprunalandi.

... að tryggja að ættleiðing milli landa fari fram með hagsmuni barnsins í fyrirrúmi og þannig að grundvallarréttindi þess séu virt, og að komið sé í veg fyrir brott nám barna, sölu þeirra og verslun með þau

Ættleiðingarnefnd

Sýslumannsembættið vísaði 2 umsóknum til Ættleiðingarnefndar, en það var 1 árinu áður. Ættleiðingarnefnd veitti hins vegar 1 sinni umsögn sem er það sama og árið á undan. Vinnslutími Ættleiðingarnefndar var langt umfram það sem eðlilegt er, en sýslumannsembættið óskar eftir álitni nefndarinnar innan þriggja mánaða.

Kærur

Sýslumannsembættið synjaði alls 1 umsókn á árinu. 1 synjun var kærð til Dómsmálaráðuneytisins á árinu og úrskurðaði ráðuneytið sömuleiðis í 1 máli, frá 2019.


Í upprunaríkinu má aðeins taka ákvörðun um að barn skuli sett í umsjá væntanlegra kjörforeldra ef: ...miðstjórnvöld beggja ríkja hafa samþykkt að ættleiðingin megi fara fram

Umsóknir í upprunalandi

Íslensk ættleiðing hafði milligöngu um að senda 6 umsóknir til upprunalands á árinu, tvær til Tógó, þrjár til Tékklands og ein umsókn var dregin til baka.

Börn

Upplýsingar um 3 börn voru skoðaðar af sérfræðingum félagsins á árinu. Þau voru öll ættleidd á árinu auk barns sem upplýsingar bárust um í lok árs 2020, samtals 4 börn ættleidd á árinu.



Fræðsla

Tímamót urðu í starfi félagsins urðu árið 2018 þegar ný fræðsluáætlun tók gildi. Með henni jókst fræðsla til umsækjenda og færðist hún mun framar í ættleiðingarferilinn en áður. Þá var tekið upp nýtt verklag þegar umsækjendur leggja fram umsókn um forsambýkki og hefur frá þessum tíma verið gerður samningur á milli umsækjanda og félagsins um þá þjónustu sem veitt er í ferlinu.

Með því að færa fræðsluna framar í ferlið er markmiðið að þekking umsækjenda á ættleiðingarmálaflokknum komist til skila inn í umsögn barnaverndar. Þetta hefur stuðlað að því að fjölskyldur frá Íslandi skera sig út þegar kemur að þekkingu, þegar þær eru bornar saman við aðra umsækjendur í upprunalöndum barnanna sem félagið starfar með.

Fræðslan hefst í fyrsta viðtali þar sem farið er yfir það helsta sem tengist málaflokknum. Það ætti að leiða til námskeiðsins **Er ættleiðing fyrir mig?**, sem er 4 daga námskeið sem á að aðstoða þátttakendur í að taka ákvörðun um hvort ættleiðing sé kostur sem þeir ættu að skoða betur. Það náðist að halda eitt námskeið á árinu og voru 8 þátttakendur á því. Leiðbeinendur eru tveir, þær Rut Sigurðardóttir félagsráðgjafi og fjölskyldufræðingur hjá ÍÆ og Þórgunnur Vigfúsdóttir, skólastjóri. Einnig komu erindi frá kjörmóður og uppkominni ættleiddri konu.

Árið 2021 voru 19 fræðsluviðtöl til umsækjenda í forsambýkkisferli og 5 viðtöl við starfsmenn barnaverndar. Félagið veitir ráðgjöf og stuðning á biðtímanum og leggur áherslu á að umsækjendur séu virkir í biðinni, með því að afla sér þekkingar á málefnum ættleiddra barna. Á síðasta ári voru 5 viðtöl við umsækjendur sem eiga umsókn í upprunalandi og voru að uppfæra upplýsingar í umsókninni.

Samkvæmt fræðslu- og stuðningsáætlun hefur félagið frumkvæði að eftirfylgd eftir að fjölskyldur koma til Íslands eftir dvöl í upprunalandi barnsins. Árið 2021 voru 6 viðtöl til fjölskyldna sem voru komnar heim til Íslands. Þessi þjónusta er viðbót við gerð eftirfylgdarskýrsla sem eru gerðar að kröfu upprunaríkja barnanna. Óháðir félagsráðgjafar heimsækja fjölskyldurnar í samræmi við reglur upprunaríkjanna og safna upplýsingum og gefa álit á hvernig framvinda fjölskyldunnar hefur verið frá sameiningu. Þessar skýrslur eru þýddar og sendar til miðstjórnvalds upprunaríkisins.

Þjónusta við börn sem eru að hefja skólagöngu hefur aukist mikið, enda ekki vanþörf á. Á síðastliðnu ári heimsótti félagsráðgjafi félagsins leikskóla tvisvar sinnum og grunnskóla sjö sinnum. Heimsóknir í skóla eru margvíslegar, stundum er fundað með öllum starfsmönnum skólans, stundum bara með kennurum barnsins og stundum stuðningur inn á teymisfundi. Þá hafa þrjár fjölskyldur leitað eftir frekari þjónustu, eftir að þjónustuáætlun félagsins sleppir. Félagið hefur í gegnum tíðina boðið uppá fjölbreytta fræðslu sem er opin félagsmönnum og almenningi.

ÁRSREIKNINGUR

Árið 2021 voru félagsmenn Íslenskrar ættleiðingar alls 356 talsins. Til að sinna hlutverki sínu sem sett er fram í lögum og reglugerðum hefur félagið gert þjónustusamning við dómsmálaráðuneytið um skilgreinda þjónustu til að tryggja að veita umsækjendum liðsinni sem nauðsynlegt er til að af lögmætri ættleiðingu geti orðið. Grunnforsendur félagsins eru tryggðar með framlagi ríkisins í þjónustusamningnum og er rekstrargrundvöllur félagsins ekki háður fjölda umsækjenda eða fjölda ættleiðinga. Þetta fyrirkomulag er nú nefnt Íslenska ættleiðingarmódelið og hefur vakið athygli langt út fyrir landsteinana.

Fræðsla, ráðgjöf og stuðningur eru meginstoðir í ættleiðingarferlinu og er sú lágmarksþjónusta tryggð með framlagi ríkisins til þjónustusamningsins. Þjónustusamningurinn tekur aðeins til þjónustu um milligöngu um ættleiðingu, en ekki þjónustu eftir ættleiðingu. Þjónusta eftir ættleiðingu er enn ófjármögnuð en megináhersla verður lögð á að auka skilning miðstjórnvaldsins á hlutverki sínu í þjónustu eftir ættleiðingu og að fá viðurkenningu á mikilvægi þjónustunnar til heilla ættleiddum börnum og fjölskyldum þeirra. Í lok árs 2021 barst félaginu nýr þjónustusamningur til eins árs sem ekki var undirritaður fyrr en á árinu 2022 og gildir til loka þess árs.

Starfsemi sem varðar ættleiðingu milli landa má ekki verða neinum til óhæfilegs ávinnings, fjárhagslega eða á annan hátt. Aðeins má krefja um og greiða kostnað og útgjöld, þar með talið sanngjarna sérfræðilega þóknun þeirra sem við ættleiðinguna fást.

Tekjur Íslenskrar ættleiðingar á árinu 2021 voru tæpar 41 milljónir, sem er lækkun um 3 milljónir frá 2020, en munar þar mestu um greiðslu vegna þjónustusamnings við Félagsmálaráðuneytið uppá 2 milljónir sem kom 2020. Tekjur af félagsgjöldum lækka um kr. 364.500 frá fyrra ári. Að þessu sinni var tap á rekstri félagsins kr. 3.051.969 mikil breyting frá 2020 þar sem hagnaður var kr. 3.675.248 en í ársskýrslu þess árs var það tekið fram að varlega ætti að fara í að leggja mat á breytingar á ársreikningi, líklegt er að ekki verði það sama við eðlilegt rekstrarár. Handbært fé lækkar um 2,6 milljónir frá fyrra ári. Mestu breytingar á milli ára komu til vegna lækkunar á tekjum félagsins en 2020 kom greiðsla vegna þjónustusamnings við Félagsmálaráðuneytið. Styrkur barst frá kjörforeldrum uppá rúmar kr. 800.000.

Viðurkennd stofnun skal:

- a. einungis vinna að ófjárhagslegum markmiðum samkvæmt þeim skilmálum og innan þeirra marka sem kveðið er á um af bærum stjórnvöldum viðurkenningarríkisins;*
- b. hafa stjórnendur og starfsmenn sem eru hæfir hvað siðferðiskröfur og menntun eða reynslu varðar til starfa á sviði ættleiðingar milli landa; og*
- c. lúta eftirliti bærra stjórnvalda þess ríkis hvað varðar skipulag, rekstur og fjárhag.*

ÁRITUN ÓHÁÐS ENDURSKOÐANDA

Til stjórnar Íslenskrar ættleiðingar

Álit

Við höfum endurskoðað meðfylgjandi ársreikning Íslenskrar ættleiðingar fyrir árið 2021. Ársreikningurinn hefur að geyma rekstrarreikning, efnahagsreikning, yfirlit um sjóðstreymi, upplýsingar um mikilvægar reikningsskilaaðferðir og aðrar skýringar.

Það er álit okkar að ársreikningurinn gefi glögga mynd af afkomu félagsins á árinu 2021, efnahag þess 31. desember 2021 og breytingu á handbæru fé á árinu 2021, í samræmi við lög um ársreikninga.

Grundvöllur fyrir álit

Endurskoðað var í samræmi við alþjóðlega endurskoðunarstaðla. Ábyrgð okkar samkvæmt þeim stöðlum er nánar lýst í kaflanum *Ábyrgð endurskoðanda* hér fyrir neðan. Við erum óháð Íslenskri ættleiðingu í samræmi við settar siðareglur fyrir endurskoðendur á Íslandi og höfum við uppfyllt ákvæði þeirra. Við teljum að við höfum aflað nægilegra og viðeigandi endurskoðunargagna til að byggja álit okkar á.

Aðrar upplýsingar

Í samræmi við ákvæði 2. mgr. 104 gr. laga nr. 3/2006 um ársreikninga staðfestum við samkvæmt okkar bestu vitund að í skýrslu stjórnar sem fylgir ársreikningi þessum eru veittar þær upplýsingar sem þar ber að veita í samræmi við lög um ársreikninga og koma ekki fram í skýringum.

Ábyrgð stjórnar og framkvæmdastjóra á ársreikningnum

Stjórn og framkvæmdastjóri eru ábyrg fyrir gerð og framsetningu ársreikningsins í samræmi við lög um ársreikninga og settar reikningsskilareglur. Stjórn og framkvæmdastjóri eru einnig ábyrg fyrir því innra eftirliti sem nauðsynlegt er varðandi gerð og framsetningu ársreikningsins, þannig að hann sé án verulegra annmarka, hvort sem er vegna sviksemi eða mistaka.

Við gerð ársreikningsins eru stjórn og framkvæmdastjóri ábyrg fyrir mati á rekstrarhæfi félagsins. Ef vafi leikur á rekstrarhæfi skal gerð grein fyrir því í ársreikningnum með viðeigandi skýringum og greint frá því hvers vegna ákveðið var að beita forsendunni um rekstrarhæfi við gerð og framsetningu ársreikningsins, nema stjórn og framkvæmdastjóri hafi ákveðið að leysa félagið upp eða hætta starfsemi, eða hafa enga aðra raunhæfa möguleika en að gera það.

Stjórn skal hafa eftirlit með gerð og framsetningu ársreikningsins.

Ábyrgð endurskoðanda á endurskoðun ársreikningsins

Markmið okkar er að afla nægjanlegrar vissu um að ársreikningurinn sé án verulegra annmarka, hvort sem er af völdum sviksemi eða mistaka og að gefa út áritun sem felur í sér álit okkar. Nægjanleg vissu er þó ekki trygging þess að endurskoðun framkvæmd í samræmi við alþjóðlega endurskoðunarstaðla muni uppgötva allar verulegar skekkjur séu þær til staðar. Skekkjur geta orðið vegna mistaka eða sviksemi og eru álitnar verulegar ef þær gætu haft áhrif á fjárhagslega ákvarðanatöku notenda ársreikningsins, einar og sér eða samanlagðar.

Endurskoðun okkar í samræmi við alþjóðlega endurskoðunarstaðla byggir á faglegri dómgreind og beitung við gagnrýnni hugsun við endurskoðunina. Við framkvæmum einnig eftirfarandi:

- Greinum og metum hættuna á verulegri skekkju í ársreikningnum, hvort sem er vegna mistaka eða sviksemi, skipuleggjum og framkvæmum endurskoðunaraðgerðir til að bregðast við þeim hættum og öflum endurskoðunargagna sem eru nægjanleg og viðeigandi til að byggja álit okkar á. Hættan á að uppgötva ekki verulega skekkju vegna sviksemi er meiri en að uppgötva ekki skekkju vegna mistaka, þar sem sviksemi getur fallið í sér samsæri, skjalafals, misvísandi framsetningu ársreiknings, að einhverju sé viljandi sleppt eða að farið sé framhjá innri eftirlitsaðgerðum.
- Öflum skilnings á innra eftirliti, sem snertir endurskoðunina, í þeim tilgangi að skipuleggja viðeigandi endurskoðunaraðgerðir, en ekki í þeim tilgangi að veita álit á virkni innra eftirlits félagsins.
- Metum hvort reikningsskilaaðferðir og reikningshaldslegt mat stjórnenda og tengdar skýringar séu viðeigandi.


- Ályktum um notkun stjórnenda á forsendunni um rekstrarhæfi og metum á grundvelli endurskoðunarinnar hvort verulegur vafi leiki á rekstrarhæfi eða hvort aðstæður séu til staðar sem gætu valdið verulegum vafa um rekstrarhæfi. Ef við teljum að verulegur vafi leiki á rekstrarhæfi ber okkur að vekja sérstaka athygli á viðeigandi skýringum ársreikningsins í áritun okkar. Ef slíkar skýringar eru ófullnægjandi þurfum við að víkja frá fyrirvaralausri áritun. Niðurstaða okkar byggir á endurskoðunargögnum sem aflað er fram að dagsetningu áritunar okkar. Engu að síður geta atburðir eða aðstæður í framtíðinni valdið óvissu um rekstrarhæfi félagsins.

- Metum í heild sinni hvort ársreikningurinn gefi glögga mynd af undirliggjandi viðskiptum og atburðum, metum framsetningu, uppbyggingu, innihald og þar með talið skýringar með tilliti til glöggrar myndar.

Við upplýsum stjórn meðal annars um áætlað umfang og tímasetningu endurskoðunarinnar og veruleg atriði sem komu upp í endurskoðun okkar, þar á meðal verulega anmarka á innra eftirliti, ef við á.

Reykjavík, 17. mars 2022

Rýni endurskoðun ehf.


endurskoðandi

REKSTRAREIKNINGUR

	Skýringar	2021	2020
Rekstrartekjur			
Tekjur	3	<u>40.976.073</u>	<u>44.287.145</u>
		40.976.073	44.287.145
Rekstrargjöld			
Laun og launatengd gjöld	9	34.622.140	32.066.958
Kostnaður vegna ættleiðinga	9	1.933.045	1.982.727
Skrifstofu- og stjórnunarkostnaður	9	2.401.591	1.629.630
Annar rekstrarkostnaður	9	4.765.136	5.115.658
Afskriftir	4	<u>131.756</u>	<u>164.695</u>
		43.853.668	40.959.668
Rekstrarhagnaður (-tap)		(2.877.595)	3.327.477
Fjármunatekjur og (fjármagnsgjöld)			
Vaxtatekjur		11.762	59.930
Vaxtagjöld, gengismunur og bankakostnaður		<u>(186.136)</u>	<u>287.841</u>
		(174.374)	347.771
Hagnaður (tap) ársins		<u>(3.051.969)</u>	<u>3.675.248</u>



EFNAHAGSREIKNINGUR

Eignir	Skýringar	2021	2020
Fastafjármunir			
Varanlegir rekstrarfjármunir:			
Tölvubúnaður, innréttingar og áhöld	4	<u>527.026</u>	<u>658.782</u>
		527.026	658.782
Veltufjármunir			
Viðskiptakröfur	5	727.943	744.299
Handbært fé		<u>9.193.337</u>	<u>11.813.981</u>
		9.921.280	12.558.280
Eignir samtals		<u><u>10.448.306</u></u>	<u><u>13.217.062</u></u>

Eigið fé og skuldir	Skýringar	2021	2020
Eigið fé			
Viðbragðssjóður	6	1.360.000	1.360.000
Óráðstafað eigið fé		<u>(672.594)</u>	<u>2.379.375</u>
		687.406	3.739.375
Skuldir			
Skammtímaskuldir:			
Aðrar skammtímaskuldir	7,8	<u>9.760.900</u>	<u>9.477.687</u>
		9.760.900	9.477.687
Skuldir samtals		9.760.900	9.477.687
Eigið fé og skuldir samtals		<u><u>10.448.306</u></u>	<u><u>13.217.062</u></u>

SJÓÐSSTREYMI

	Skýringar	2021	2020
Rekstrarhreyfingar			
Hreint veltufé frá rekstri:			
Hagnaður (tap) ársins		(3.051.969)	3.675.248
Rekstrarliðir sem ekki hafa áhrif á fjárstreymi:			
Afskriftir	4	131.756	164.695
		(2.920.213)	3.839.943
Lækkun (hækkun) rekstartengdra eigna:			
Viðskiptakröfur og aðrar skammtímakröfur		16.356	252.851
Hækkun (lækkun) rekstartengdra skulda:			
Skammtímaskuldir		283.213	(1.119.385)
		299.569	(866.534)
Handbært fé frá rekstri (til rekstrar)		(2.620.644)	2.973.409
Hækkun (lækkun) á handbæru fé		(2.620.644)	2.973.409
Handbært fé í byrjun árs		11.813.981	8.840.572
Handbært fé í lok árs		<u>9.193.337</u>	<u>11.813.981</u>



SKÝRINGAR

3. Tekjur

Tekjur ársins sundurliðast þannig:	2021	2020
Félagsgjöld	1.183.600	1.548.100
Framlag frá þjónustumiðstöð	1.200.000	1.200.000
Ættleiðingargjöld erlendis	2.845.848	3.716.294
Framlög úr ríkissjóði	34.000.000	34.000.000
Framlög frá Félagsmálaráðuneyti	0	2.045.000
	<u>39.229.448</u>	<u>42.509.394</u>
Aðrar tekjur:		
Námskeið	581.000	1.322.000
Félagsstarf	149.300	226.000
Styrkir	896.325	115.291
Aðrar tekjur	120.000	114.460
	<u>1.746.625</u>	<u>1.777.751</u>
Tekjur samtals	<u><u>40.976.073</u></u>	<u><u>44.287.145</u></u>

4. Varanlegir rekstrarfjármunir

	Áhöld, tæki og innréttingar	Samtals
Árslok 2020:		
Bókfært verð í ársbyrjun	823.477	823.477
Afskriftir	(164.695)	(164.695)
Bókfært verð í árslok	<u>658.782</u>	<u>658.782</u>
Bókfært verð í árslok 2020 greinist þannig:		
Kostnaðarverð	2.606.019	2.606.019
Afskrifað samtals	(1.947.237)	(1.947.237)
Bókfært verð í árslok	<u>658.782</u>	<u>658.782</u>
Árslok 2021:		
Bókfært verð í ársbyrjun	658.782	658.782
Afskriftir	(131.756)	(131.756)
Bókfært verð í árslok	<u>527.026</u>	<u>527.026</u>
Bókfært verð í árslok 2021 greinist þannig:		
Kostnaðarverð	2.606.019	2.606.019
Afskrifað samtals	(2.078.993)	(2.078.993)
Bókfært verð í árslok	<u>527.026</u>	<u>527.026</u>

5. Viðskiptakröfur

Viðskiptakröfur greinast þannig:	2021	2020
Félagsgjöld	837.243	1.361.196
Niðurfærsla viðskiptakrafna	(109.300)	(616.897)
Viðskiptakröfur, nettó	<u>727.943</u>	<u>744.299</u>

Viðskiptakröfur eru færðar niður til að mæta almennri áhættu sem fylgir kröfueign félagsins. Hér er ekki um endanlega afskrift að ræða heldur er myndaður niðurfærslureikningur, sem mæta á þeim kröfum sem kunna að tapast og er hann dreginn frá eignfærðum viðskiptakröfum í efnahagsreikningi.

6. Eigið fé

Yfirlit um breytingar á eiginfjárreikningum

	Viðbragðssjóður	Óráðstafað eigið fé	Eigið fé samts
Hreyfingar 2020:			
Staða í ársbyrjun	1.360.000	(1.295.873)	64.127
Tap ársins	0	3.675.248	3.675.248
Staða í árslok	1.360.000	2.379.375	3.739.375
Hreyfingar 2021:			
Staða í ársbyrjun	1.360.000	2.379.375	3.739.375
Hagnaður ársins	0	(3.051.969)	(3.051.969)
Staða í árslok	1.360.000	(672.594)	687.406

7. Aðrar skammtímaskuldir

Aðrar skammtímaskuldir greinast þannig:

	2021	2020
Ógreidd laun og launatengd gjöld	2.787.322	1.600.374
Biðreikningur vegna fyrirhugaðrar stofnunar styrktarsjóðs	6.379.771	6.379.771
Ógreitt framlag til þjónustumiðstöðvar	0	1.200.000
Aðrar skammtímaskuldir	593.807	297.542
	9.760.900	9.477.687

8. Önnur mál

Skuldbindingar

Á árinu 2011 var ákveðið að setja á stofn styrktarsjóð og safnað var fjármunum að fjárhæð 5,5 m.kr. Fyrirhugað var að klára stofnun hans á árinu 2018. Félagið hugðist leggja sjóðnum til ofangreinda fjárhæð með áföllnum vöxtum. Rekstur félagsins hefur verið í járnnum síðastliðin ár og hefur félagið óskað eftir því við ráðuneytið að þjónustusamningur við félagið verði endurskoðaður. Félagið hefur þurft að ganga á eigið fé til að standa við hlutverk sitt og hefur verið hikandi við að stofna styrktarsjóð við þær aðstæður.

9. Rekstrargjöld

Rekstrargjöld greinast þannig:	2021	2020
Laun og launatengd gjöld		
Laun	26.673.300	24.994.065
Laun stjórnar	448.875	612.500
Bílfreiðastyrkir	720.000	700.000
Mótframlag í lífeyrissjóð	3.652.018	3.444.624
Tryggingagjald	1.921.126	1.889.497
Sjúkra- og orlofssjóðir	626.822	574.704
Endurgreiddur launakostnaður	0	(550.000)
Annar starfsmannakostnaður	579.999	401.568
	<u>34.622.140</u>	<u>32.066.958</u>
Meðalfjöldi starfsmanna	3,0	3,0
Kostnaður vegna ættleiðinga		
Skýrslur og þýðingar	791.000	1.145.182
Undirbúningsnámskeið	516.400	992.250
Erlendur kostnaður	2.139.884	2.793.527
Annar kostnaður	888.110	553.522
Endurgreiddur kostnaður	(2.402.349)	(3.501.754)
	<u>1.933.045</u>	<u>1.982.727</u>
Skrifstofu- og stjórnunarkostnaður		
Rekstur uppýsingakerfis og hugbúnaðarþjónusta	310.187	274.191
Sími	451.007	298.004
Bækur, blöð og áskrift	55.955	47.014
Annar skrifstofukostnaður	627.467	66.415
Reikningsskil	809.224	786.505
Önnur aðkeypt þjónusta	21.390	21.390
Fundir, ráðstefnur og móttökur	126.361	136.111
	<u>2.401.591</u>	<u>1.629.630</u>
Annar rekstrarkostnaður		
Félagastarf	582.569	251.018
Námskeið	84.000	0
Húsaleiga	3.879.973	3.684.338
Öryggisþjónusta	250.879	221.050
Ræsting og hreinlætisvörur	310.200	266.651
Aðkeyptur akstur	10.500	8.000
Keypt áhöld og tæki	84.985	47.995
Ferðakostnaður	0	20.875
Vátryggingar	69.627	64.834
Afskrifaðar og niðurfærðar kröfur	(507.597)	550.897
	<u>4.765.136</u>	<u>5.115.658</u>

ÁRITUN STJÓRNAR OG FRAMKVÆMDASTJÓRA

Stjórn Íslenskrar ættleiðingar og framkvæmdastjóri staðfesta hér með ársreikning félagsins fyrir árið 2021 með áritun sinni.

Reykjavík 17. mars 2022


Stjórn:

Elionótt H. Ólvarsd.


Tinna Þórarinsdóttir

Lisavíkinglínusdóttir

Bergund Guðrún Guðarsdóttir



Framkvæmdastjóri





ÆTTLEIÐINGARSAGA – OKKAR BARNALUKKA

Við hjónin höfðum gefist upp á að eignast barn með hefðbundnu leiðinni eftir mörg ár af svekkjandi prófum. Fórum í okkar fyrsta viðtal hjá Íslenskri Ættleiðingu árið 2015 og sóttum síðan námskeiðið „Er ættleiðing fyrir mig?“ árið 2016 sem var byrjunin á okkar barnaláni. Við fengum forsamþykkið okkar í júní 2017 og vorum komin á biðlista í Tékklandi í nóvember sama ár. Árin 2016 og 2017 einkenndust af mikilli pappírsvinnu og möppuskipulagi til þess að halda utan um allt. Strax jólin 2017 vorum við, vinir og fjölskylda viss um að það kæmi að þessu á örfáum mánuðum, þó svo að meðal biðtíminn væri um 2 ár. Ömmurnar fóru að þrjóna og við breyttum til heimafyrir og gerðum barnaherbergi. Barnaherbergi sem átti síðan eftir að standa autt í þó nokkur ár.

Oft í gegnum árin sem við biðum fengum við tilfinninguna að nú kæmi símtal, það þyrfti sko að passa að hafa símann ekki á silent og helst hafa símann í hendinni allan daginn. Daginn sem símtalið kom loksins grunaði okkur ekki neitt. Klukkan þrjú seinni partinn þann 30.mars árið 2021 hringir síminn. Svandís sem vann að heiman vegna faraldursins sat við launaútreikninga þar sem stutt var í útborgun. Síminn hringir úr óþekktu númeri og sambandið er lélegt, aðeins heyrast stutt hljóðbrot frá karlmanni á hinni línunni. Símtalið slitnaði og Svandís heldur áfram að vinna. Mínútu seinna hringir sama númerið, þá tekst viðkomandi að segja „...staddur hérna á gosstöðvunum og lélegt samband“ áður en símtalið slitnar aftur. Svandís furðaði sig á því hver þyrfti að ná svona nauðsynlega í hana í slíku símasambandi, þekkti hún einhvern sem var að ganga að gosinu? Einhver náinn henni sem slasaði sig kannski? Hún þurfti ekki að velta því lengi fyrir sér þar sem síminn hringdi aftur og loksins náði Kristinn, þáverandi framkvæmdastjóri Íslenskrar Ættleiðingar að kynna sig. Svandís segir strax „er þetta símtalið?“ já segir hann „það er drengur, fæddur 2019 og er á fósturheimili“.

Dagurinn var einkennilegur eftir það. Jói var staddur í gönguferð uppá Hellisheiði þegar Svandís hringir hágrátandi og segir honum að hlaupa heim því þau séu að fara í Reykjavík og fá frekari upplýsingar. Við áttum að funda með Íslenskri ættleiðingu seinna um daginn þegar að Kristinn væri kominn aftur til byggða. Gangan tók lengri tíma en allir áttu von á og vorum við mætt heim til Kristins rétt fyrir miðnætti um kvöldið. Ekki stóð til að fresta fundinum þó svo að honum langaði líklega ekkert meira en að skríða upp í rúm eftir langa göngu. Í rólegri stemmingu í stofunni hjá honum fórum við yfir öll gögn sem til voru um verðandi son okkar. Við tókum ákvörðun á



staðnum og fengum að sjá nokkrar myndir, sem gerði þetta allt raunverulegt. Röðin var komin að okkur, við vorum að verða foreldrar.

Við bönkum uppá hjá mömmu hennar Svandísar um miðja nótt með gleðifréttirnar og sátum lengi vel með tár á vanga og horfðum á myndirnar af fullkomna barninu okkar.

Venjulega hafa verðandi foreldrar aðeins nokkrar vikur frá því að þau fá símtal og þangað til þau fara til upprunalands barnsins en okkur var sagt að það gætu verið margir mánuðir í það þar sem Covid-19 var í fullum gangi þar. Það var þó ekki nema nokkrum vikum seinna sem við fáum þær upplýsingar að við séum að fara á svokallaðan núllfund í gegnum fjarfundarbúnað eftir 6 daga og fáum að hitta strákinn í Tékklandi eftir 14 daga. Við förum á fullt að gera og græja, bóka flug og gistingar og allt með smá auka flækjustigi þar sem miklar faraldurs takmarkanir voru gildandi í Tékklandi á þessum tíma. Allt tókst þetta þó og við vorum komin út 1.maí 2021. Þann 5.maí fengum við síðan loksins að hitta Ými Kára okkar.



Fyrsta myndin af okkur öllum saman

Aðstæðurnar við fyrstu kynni voru skrítnar, inni í lítilli stofu vorum við, fósturfjölskyldan, þeirra félagsráðgjafi, túlkur, sálfræðingur og lögfræðingur. Allir voru með símana á lofti að taka myndir og myndbönd af þessu stóra augnabliki, allir voru að horfa á okkur verðandi foreldrana og hvernig við nálgumst barnið. Óraunverulegt að vera að hitta barnið þitt í fyrsta skipti með svona marga áhorfendur. Sem betur fer voru flestir farnir eftir hádegið þann dag og bara við, fósturforeldrarnir og túlkurinn eftir. Mikið spennufall og tilfinningarússíbanir þarna

fyrstu dagana. Við eyddum fyrstu vikunum inná heimili fósturforeldra á meðan hann var að venjast okkur, svo að hans aðlögun væri eins hnökralaus og hægt væri. Þegar að hann kom síðan til okkar yfir nótt í fyrsta skipti þá kom fósturmamman með til þess að hjálpa honum að aðlagast. Ferlið gekk ofboðslega vel, góð samskipti við fósturforeldrana skiptu öllu máli. Ótrúlegt hvað við náðum vel saman þrátt fyrir að geta ekkert talað, þau töluðu enga ensku og við enga tékknesku. Öll samskipti fóru fram í gegnum google translate á símunum.



Aðeins að kynnst pabba sínum, skoða úrið hans.



Ýmir Kári vildi mikið og vill enn láta halda á sér þannig að burðarpokinn varð fljótt okkar uppáhalds ferðamáti.




EurAdopt, félag ættleiðingarsamtaka í Evrópu, fylgdist grannt með þróun ættleiðingarmála bæði í Evrópu og víðar í heiminum árið 2021 eins og áður. Covid-19 hélt áfram að hafa áhrif, sérstaklega á rekstrargetu nokkurra félaga sem til heyri samtökunum. Neikvæð umræða um ættleiðingar hefur haft mikil áhrif á stöðu ættleiðinga sérstaklega í Hollandi þar sem lokað var fyrir alþjóðlegar ættleiðingar til landsins hluta af árinu. Stefnt var að því að halda EurAdopt ráðstefnu sem frestað hafði verið árinu áður í apríl 2021 en vegna Covid-19 var ráðstefnunni frestað aftur og aðalfundur haldinn rafrænt. Elísabet Hrund Salvardsdóttir var fulltrúi félagsins í EurAdopt 2021 og Tinna Þórarinsdóttir var varafulltrúi og fylgjast þær með gangi mála og tóku þátt í umræðum fyrir hönd félagsins, bæði á rafrænum fundum og í gegnum aðrar rafrænar leiðir eins og Signal.



Íslensk ættleiðing er aðili að samtökum norrænna ættleiðingarfélaga, Nordic Adoption Council (NAC). NAC eru félagasamtök 12 ættleiðingarfélaga og félaga kjörfjölskyldna á Norðurlöndunum. Tilgangur NAC er að skapa vettvang fyrir norrænt samstarf í ættleiðingarmálum og málefnum tengdum ættleiðingum. Fulltrúar félaganna sitja í stjórn samtakanna. Elísabet Hrund Salvardsdóttir, framkvæmdastjóri Íslenskrar ættleiðingar er formaður NAC en hún tók við stöðu formanns á árinu 2020. Berglind Glóð Garðarsdóttir, stjórnarmaður ÍÆ tók við sem fulltrúi félagsins í NAC á árinu en Lísa Björg Lárusdóttir, sitjandi formaður ÍÆ sem áður var fulltrúi félagsins í NAC tók við stöðu varafulltrúa.

Vegna stöðu heimsfaraldurs COVID-19 gat stjórn NAC ekki hist á árinu eins og áform höfðu verið um. Fjarfundir voru þó haldnir reglulega yfir árið og hafa samskipti innan samtakanna því í reynd fremur aukist. Á fundunum greindu fulltrúar frá fréttum af ættleiðingartengdum málefnum frá eigin landi og þá voru rædd ýmis mál tengd ættleiðingum sem voru í deiglu hverju sinni. Líkt og á árinu 2020 var eitt helsta umræðuefni NAC áhrif COVID-19 á framgang ættleiðinga í heiminum. Deildu fulltrúar með sér upplýsingum bæði hvað varðar stöðuna í eigin landi og í þeim upprunaríkjum sem félögin eru í samstarfi við. Faraldurinn hafði líkt og árið 2020 þau áhrif að ættleiðingum fækkaði, m.a. vegna ferðatakmarkana auk þess sem hægðist á ferlinu í aðildarlöndum.

NAC stóð fyrir tveimur „webinar“ á árinu, þar sem fengnir voru sérfræðingar til að halda fyrirlestra í formi fjarfunda. Fyrri var haldin 27. maí og hélt þar Jesús Palacios, frá Spáni fyrirlestur sem bar heitið „*Children's recovery after adoption*“. Í kjölfarið var opnað fyrir spurningar og var auk þess boðið upp á umræðuhópa. Síðari fyrirlesturinn var haldin 17. nóvember og flutti þar Dr. Anneke JG Vinke, frá Hollandi fyrirlestur sem bar heitið „*Finding families: adoptive parenting assessment, matching and post adoption services.*“ Báðir fyrirlestrarnir gengu vel og var almenn ánægja meðal aðildarfélaga NAC með viðburðina. Er því ljóst að heimsfaraldur COVID-19 hefur leitt af sér nýjar leiðir í bæði samskiptum og fræðslu sem NAC hefur nýtt sér og mun trúlega gera áfram.



ČESKÁ REPUBLICA

Félagið fékk fyrst löggildingu til að annast milligöngu um ættleiðingar frá Tékklandi árið 2004 og gildir núverandi löggilding til 19.03.2022. Alls hafa verið ættleidd 51 börn með milligöngu félagsins frá Tékklandi. 5 umsóknir hafa nú verið samþykktar af UMPOD og bíða afgreiðslu. 1 umsókn er í skoðun og bíður þess að vera samþykkt og 1 umsókn er í bið. Meðal biðtími eftir pörun við barn frá Tékklandi hefur verið rúmt ár en hefur aðeins verið að lengjast og er nú rúmlega 2 ár.

Colombia

Löggilding um milligöngu gildir til 19.03.2022. Alls hafa verið ættleidd 15 börn með milligöngu félagsins frá Kólumbíu. Þrjár umsóknir eru samþykktar á biðlista frá Íslenskri ættleiðingu hjá ICBF. Kólumbía er eina samstarfsland Íslenskrar ættleiðingar sem tekur á móti umsóknum samkynja hjóna og er annað af tveimur löndum í heiminum sem gerir það.

中國

Löggilding um milligöngu gildir til 19.03.2022. Alls hafa 183 börn verið ættleitt með milligöngu félagsins frá Kína. Tvær umsóknir eru samþykktar af CCCWA og bíða afgreiðslu. Listi vegna barna með skilgreindar þarfir hefur legið í dvala um nokkurt skeið vegna Covid-19 og var hann ekki vaktaður á árinu þar sem hann hefur ekki verið uppfærður frá því í júlí 2020. Meðal biðtími eftir pörun við barn á lista barna með skilgreindar þarfir hefur í gegnum tíðina verið mjög stuttur eða rétt undir 6 mánuðum. Biðtími hefur verið að lengjast talsvert og er nú meira en 2 ár.

TOGO

Löggilding um milligöngu gildir til 01.07.2023. Alls hafa 7 börn verið ættleidd með milligöngu félagsins frá Tógó. Tvær umsóknir eru í ferli í Tógó. Meðal biðtími eftir pörun hefur verið rúm tvö ár.

STJÓRN OG STARFSFÓLK 2021

Stjórn

Elísabet Hrund Salvarsdóttir
Stjórnarformaður

Lísa Björg Lárusdóttir
Varaformaður

Meðstjórnendur
Berglind Glóð Garðarsdóttir
Brynja Dan Gunnarsdóttir
Dylan Herrea
Tinna Þórarinsdóttir
Sigurður Halldór Jesson (í leyfi)

Starfsfólk

Kristinn Ingvarsson
Framkvæmdastjóri

Ragnheiður Davíðsdóttir
Verkefnastjóri

Rut Sigurðardóttir
Félagsráðgjafi og fjölskyldufræðingur

Aðeins þær stofnanir skulu fá og halda viðurkenningu sem sýna fram á getu sína til að leysa vel af hendi þau verkefni sem þeim kunna að verða falin.